



Concello de Vigo
Expte. 3700/1101

ACTA

PLENO DO EXCMO. CONCELLO DE VIGO Nº 1/2023

SESIÓN EXTRAORDINARIA DO 23 DE XANEIRO DE 2023

ORDE DO DÍA

UNICO. Outorgamento da distinción honorífica "CIDADE DE VIGO". Expte. 19334/101 (Expte. Pleno 3699/1101)

ASISTENTES

POLO GRUPO MUNICIPAL SOCIALISTA

Caballero Álvarez Abél Ramón
Aguiar Castro Yolanda
Aneiros Pereira Jaime
Blanco Iglesias Eugenia Dolores
Caride Estévez María José
Espinosa Mangana Elena
Fernández Pérez José Manuel
Gómez Díaz Gorka
Iglesias González Ana Laura
Lago Barreiro María del Carmen
López Font Carlos
Losada Alvarez Abel Fermín
Mejías Sacaluga Ana Maria
Pardo Espiñeira Francisco Javier
Rivas González Ángel
Rodríguez Calviño Patricia
Rodríguez Díaz Santos Héctor
Rodríguez Rodríguez Nuria
Silva Rego M^a Carmen

POLO GRUPO MUNICIPAL POPULAR

Bartolomé Tocino, Carlota
Egerique Mosquera Teresa
López Román Patricia
Marnotes González José Alfonso

POLO GRUPO MUNICIPAL MIXTO

Méndez Fuentes Oriana
Pérez Correa Ruben

MEMBRO NON ADSCRITO

Pérez Igrexas Xabier

NON ASISTEN:

Estévez Rodríguez Pablo Luis



No salón de Plenos da Casa do Concello de Vigo, ás once horas do día vinte e tres de xaneiro do ano dous mil vinte e tres, coa Presidencia do Excmo. Sr. Alcalde, D. Abel Ramón Caballero Álvarez, e asistencia dos concelleiros Sres. e Sras. Aguiar Castro, Aneiros Pereira, Bartolomé Tocino, Blanco Iglesias, Caride Estévez, Egerique Mosquera, Espinosa Mangana, Fernández Pérez, Gomez Díaz, Iglesias González, Lago Barreiro, López Font, López Roman, Losada Alvarez, Marnotes González, Mejías Sacaluga, Méndez Fuentes, Pardo Espiñeira, Pérez Correa, Pérez Igrexas, Rivas González, Rodríguez Calviño, Rodríguez Díaz, Rodríguez Rodríguez e Silva Rego, actuando como Secretaria Xeral Acctal. do Pleno que asina D^a Susana Gallardo Fariña, constituíuse o Pleno da Excma. Corporación en sesión EXTRAORDINARIA conforme á convocatoria e segundo a orde do día remitida a todos os Sres. e Sras. concelleiros e concelleiras coa antelación legalmente requirida. Está tamén presente o Interventor Xeral Municipal, don Alberto Escariz Couso.

O Presidente declara aberta a sesión en primeira convocatoria e procédese a tratar os asuntos da orde do día.

UNICO.(1). OUTORGAMENTO DA DISTINCIÓN HONORÍFICA “CIDADE DE VIGO”. EXPTE. 19334/101 (EXPTE. PLENO 3699/1101)

ANTECEDENTES: Con data 13 de decembro do 2022, a xefa do departamento administrativo da Alcaldía, emite o seguinte informe proposta.

“I.- ANTECEDENTES.

O Pleno do Concello de Vigo en sesión ordinaria do día 28 de febreiro de 2018 adoptou o acordo de “Aprobar a creación dunha nova distinción honorífica do Concello de Vigo, que recibirá o nome de Distinción Honorífica “Cidade de Vigo”, consonte ao previsto nos artigos 50.24, 189, 190 e concordantes do Regulamento de organización, funcionamento e réxime xurídico das entidades locais aprobado por Real Decreto 2568/1986, de 28 de novembro e mais o artigo 5.3 do Regulamento de Honras e Distincións do Concello de Vigo, de data 29 de setembro de 1981”. (Expediente 15892-101).

No antedito acordo plenario expponse a motivación da creación da nova distinción: *“...dentro do contexto da habilitación prevista no Regulamento específico de Honras e Distincións do Concello de Vigo, no seu artigo 5.3., e transcorridos trinta anos dende a creación do título de Vigueses Distinguidos, considérase oportuna agora a institucionalización dun novo galardón que recoñeza a aqueles cidadáns e cidadás, institucións e entidades que teñan sobresaído dun modo excepcional e especialísimo nos seus ámbitos respectivos e teñan contribuído dun xeito determinante ao prestixio da cidade de Vigo e dos valores cidadáns que a definen e lle son propios. Esta distinción terá o carácter de Alta Distinción e a súa concesión será moi puntual e constituirá o máximo honor que o Concello de Vigo poida outorgar.*

Este galardón terá unha dobre funcionalidade: por un lado, o recoñecemento de valores cidadáns extraordinarios e tarefas exemplares a prol da cidade de Vigo, tanto



Copia do documento - Concello de Vigo	Data impresión: 16/03/2023 13:46	Páxina 2 de 7
3734-1101	CSV: A9A329-B924C4-A23882-UFXTBW-VJ1MNO-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

de persoas coma de institucións, permitindo que perduren na memoria colectiva e, por outro, pretende ser un estímulo para a realización de accións que comporten un beneficio para a cidade e reforcen, aínda máis, o sentimento de orgullo e pertenza a Vigo.

Reservarase a concesión desta distinción honorífica “Cidade de Vigo” a casos excepcionais, de méritos extraordinarios que concorran en persoas ou entidades, nacionais ou estranxeiras, que polos seus destacados méritos e servizo extraordinario prestado á cidade de Vigo sexan dignos de tal galardón.

Trátase dunha distinción para recoñecer e poñer en valor a persoas ou entidades con profundo arraigo na cidade, cunha longa traxectoria de traballo, dedicación e esforzo a prol da cidade de Vigo e que teñan contribuído a converter á cidade nun referente e exemplo.

A concesión deste galardón requirirá dunha motivación exhaustiva, na que se contemplan todas as circunstancias extraordinarias e excepcionais que fan ao galardoador merecedor deste recoñecemento. A concesión da mesma non terá unha periodicidade estipulada de antemán, xa que só se concederá en casos puntuais nos que se motive a súa excepcionalidade...”.

- Con respecto ao procedemento e competencias para a súa concesión, así como as formalidades para a súa entrega ao interesado, estarase ao previsto no “Regulamento de Honras e Distincións do Concello de Vigo” de data 29 de setembro de 1981.

II.- MOTIVACIÓN PARA OUTORGAR A DISTINCIÓN HONORÍFICA “CIDADE DE VIGO”.

A motivación que se expón a continuación para a concesión da Distinción de Honra “Cidade de Vigo” foi redactada polo Cronista da Cidade, D. Ceferino de Blas a petición desta Alcaldía:

“Eugenio González de Haz, o fundador da saga radiofónica do seu apelido, era tan vigués que ao día seguinte de nacer, o 28 de maio de 1904, apareceu a noticia no Faro. Despois de obter o título de bacharelato e de estudar na Escola de Comercio e graduarse de Perito Mercantil, empezou unha carreira que o converteu no empresario radiofónico de referencia en Galicia.

A primeira emisora que existiu en Vigo inaugurouse o 13 de maio de 1934, baixo a dirección Santiago Montenegro, pero en setembro de 1939 xa a adquiría González de Haz, que pronto instala unha antena no Castro que lle dará a potencia para ser escoitada nun territorio cada vez máis extenso.

En 1957 chega a competencia a Vigo coa radio estatal a Voz de Vigo, e González de Haz, empresario previsor, asóciase á SER, a Sociedade Española de Radiodifusión. É un dos pioneiros en España en adoptar esta medida que seguirán outros empresarios de emisoras locais. Porque pronto se instalan novas cadeas e comeza a emitir a televisión,



Copia do documento - Concello de Vigo	Data impresión: 16/03/2023 13:46	Páxina 3 de 7
3734-1101	CSV: A9A329-B924C4-A23882-UFXTBW-VJ1MNO-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

cuxa aparición - en Vigo empezou a verse desde o ano 56-, crea a preocupación de que pode resultar demoledora para a radiodifusión.

Pero Radio Vigo continúa adaptándose aos gustos da xente, e no ano 1973, o iniciador da saga entrega a testemuña da dirección ao seu fillo. Como herdeiro do fundador, Eugenio González de Haz y Vizcaíno, economista, xornalista e cun mestrado en dirección de empresas, asumiu o reto de modernizar e ampliar a empresa familiar e, cando está a piques de celebrarse o medio século do seu desembarco á fronte de Radio Vigo, pode afirmarse con rotundidade que o conseguiu.

Logrou achandar as dificultades da competencia con outros medios e definir os obxectivos da emisora para adecuala ao que satisfíxese aos seus oíntes e distinguíla das demais. Foi a tarefa que se impuxo e superou con creces, ao preservar o liderado que Radio Vigo tivo desde a chegada da radiodifusión á cidade, onde concentra a maioría de seguidores.

A última onda do Estudo Xeral de Medios dálle un total de 64.000 oíntes. Este liderado resulta do efecto de cumprir a primeira regra do bo empresario: formar uns equipos humanos de prestixio, especialmente os dedicados á información, nos que en cada período destacan nomes que se fan familiares aos oíntes. Son xornalistas que informan e teñen á cidadanía viguesa ao tanto das noticias a cada momento, pero que tamén comentan e colaboran a formar unha opinión pública na cidade e na contorna.

Radio Vigo ocupou varias sedes desde a inicial do número 2 da rúa de Abeleira Menéndez ás de Príncipe, á que seguiu nos pasados oitenta a de Policarpo Sanz. Pero o gran salto prodúcese en 2006, ao situarse na rúa Areal, nun edificio de porte nobre rehabilitado, e cos estudos plenamente dixitalizados. Desde que está á fronte Eugenio González de Haz e Vizcaíno, a emisora non cesou de crecer, tras a posta en marcha das emisións en FM, coa incorporación doutras frecuencias como os "40 Principales", as emisións en Vigo de M80 Radio e a integración na Cadena Dial. Nos últimos anos, o grupo amplía o seu territorio ao adquirir unha nova licenza en Tui e poñer en marcha a emisión de Ser Baixo Miño, co que Radio Vigo completa a mellor oferta radiofónica do Sur de Galicia.

Como grupo multimedia, desde 1999 incorporouse á cadea Localia TV, que desde 2009 se reconverte en Utega Localia Televigo, que é actualmente a única canle viguesa de comunicación por televisión. O artífice deste crecemento, que tanto axuda ao pluralismo informativo do Sur de Galicia, é Eugenio González de Haz e Vizcaíno, unha personalidade respectada e apreciada na profesión e polo público, dun trato exquisito, recoñecido por todos. Alberga dúas paixóns: a familia, formada pola súa muller, Beatriz Díaz-Castroverde, e os seus fillos, Eugenio, Beatriz, Jaime e Mariola, e a deportiva, como entusiasta do golf, que practica, e afeccionado do Real Club Celta. Seguindo o modelo do seu pai, incorporou á dirección do grupo ao seu primoxénito, o terceiro da saga do mesmo nome e apelidos, e aos seus outros fillos á empresa familiar, que se fortalece e mostra a súa vitalidade no camiño cara aos noventa anos de historia que cumpre en 2024.

Polos méritos contraídos na constante defensa dos intereses locais, polo que Radio Vigo achega á comunicación e á formación dunha opinión dos cidadáns da súa cidade é polo



Copia do documento - Concello de Vigo	Data impresión: 16/03/2023 13:46	Páxina 4 de 7
3734-1101	CSV: A9A329-B924C4-A23882-UFXTBW-VJ1MNO-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

que Eugenio González de Haz e Vizcaíno, presidente de González de Haz SL, é merecedor da distinción da Cidade de Vigo”.

A vista do exposto nos antecedentes, e mais na motivación para outorgar a distinción honorífica “Cidade de Vigo”, e no uso das facultades que o artigo 126.1. Lei da Lei 7/1985, do 2 de abril, Reguladora das Bases do Réxime Local, modificada pola Lei 27/2013, do 27 de decembro, confire á Xunta de Goberno Local como órgano que colaboración na función de dirección política do Alcaldía , sométese á Xunta de Goberno Local a seguinte PROPOSTA....”

Deseguido a funcionaria informante emite a proposta que se contén na parte dispositiva deste acordo.

Con data 13 de decembre do 2022, a secretaria de Administración. Municipal emite informe xurídico favorable.

A Xunta de Goberno Local en sesión ordinaria do 16.12.22, aproba dita proposta.

DELIBERACIÓNS. Constan no arquivo audiovisual incorporado a Acta.

VOTACIÓN: Con vinte e tres votos a favor dos membros do grupo municipal Socialista, señores e señoras Aguiar Castro, Aneiros Pereira, Blanco Iglesias, Caride Estévez, Espinosa Mangana, Fernández Pérez, Gomez Díaz, Iglesias González, Lago Barreiro, López Font, Losada Alvarez, Mejías Sacaluga, Pardo Espiñeira, Rivas González, Rodríguez Calviño, Rodríguez Díaz, Rodríguez Rodríguez, Silva Rego e a Presidencia, e mais dos membros do grupo municipal do Partido Popular, señoras e señor, Bartolomé Tocino, Egerique Mosquera, López Roman e Marnotes González, e tres abstencións dos membros do grupo municipal Mixto, señora e señor Mendez Fuentes e Pérez Correa, e do membro non adscrito, Sr. Pérez Igrexas, adóptase o seguinte,

ACORDO:

Primeiro.- Outorgamento da Distinción Honorífica “Cidade de Vigo” a D. Eugenio González de Haz e Vizcaíno, presidente de González de Haz S.L. polos méritos contraídos na constante defensa dos intereses de Vigo.

Segundo.- Elevar ao pleno para súa aprobación.

Terceiro.- Formalizar a entrega da distinción honorífica segundo o establecido no acordo do Pleno do Concello de Vigo en sesión ordinaria de data 28 de febreiro de 2018 de creación da Distinción Honorífica do “Cidade de Vigo”, consonte ao previsto nos artigos 50.24, 189, 190 e concordantes do Regulamento de organización, funcionamento e réxime xurídico das entidades locais aprobado por Real Decreto 2568/1986, de 28 de novembro e mais o artigo 5.3 do Regulamento de Honras e Distincións do Concello de Vigo, de data 29 de setembro de 1981”.

ANEXO ARCHIVO AUDIOVISUAL



Copia do documento - Concello de Vigo	Data impresión: 16/03/2023 13:46	Páxina 5 de 7
3734-1101	CSV: A9A329-B924C4-A23882-UFXTBW-VJ1MNQ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

Asunto : Pleno extraordinario Distinción Honorífica "Cidade de Vigo"
 Legislatura: Mandato 2019-2023
 Órgano : Pleno
 Fecha Inici: Lunes, 23 de Enero de 2023 11:41:50
 Fecha Fin : Lunes, 23 de Enero de 2023 12:04:55
 Duración : 00:23:05

- HTML

https://sede.vigo.org/expedientes/actas/videos_actas.jsp?id=3274

- Media (MASTER)

[1] Video Windows Media, 720p, Stereo, 309 MiB

SHA512 -
 76e6e4256bb424d6c5ad7d93edfcaa34ca5ba32364a172bd1b23c69aeca865c453ffe3d
 475d1618abcf01c4a6f5b06196001423e30b03d60bb186e16d32ded8f

- Media (PROXYS)

[1] Video H264, 480p, Stereo, 129 MiB

SHA512 -
 46381265917e85e2763562615bd75d2697f5819c27ad49d7fb5c3e36c1ea61bccf0c04e
 24423cf3bbab274c5db13fa6c8c542622f56809ea55b5b2d0a75f5452

- Minutaje

- 00:00:01 - Asistentes : Caballero Álvarez, Abel; Interventor; Secretario; Oradora invitada; Silva Rego, Carmen; Espinosa Mangana, Elena; López Font, Carlos; Losada Alvarez, Abel Fermín; Mejías Sacaluga, Ana María; Aneiros Pereira, Jaime; Aguiar Castro, Yolanda; Gomez Díaz, Gorka; Iglesias González, Ana Laura; Blanco Iglesias, Eugenia Dolores; Lago Barreiro, M.^a del Carmen; Pardo Espiñeira, Francisco Javier; Caride Estévez, María José; Fernández Pérez, Jose Manuel; Rodríguez Calviño, Patricia; Rivas González, Angel; Rodríguez Rodríguez, Nuria; Rodríguez Díaz, Santos Héctor; Marnotes González, Jose Alfonso; Egerique Mosquera, Teresa; Lopez Roman, Patricia; Bartolomé Tocino, Carlota; Pérez Correa, Rubén; Méndez Fuentes, Oriana; Pérez Iglesias, Xabier;
- 00:00:18 - Caballero Álvarez, Abel
- 00:00:58 : Unico: Outorgamento da distinción honorífica CIDADE DE VIGO Expte. 19334/101 (Expte. Pleno 3699/1101)
- 00:05:08 - Pérez Iglesias, Xabier
- 00:07:25 - Caballero Álvarez, Abel
- 00:07:28 - Pérez Correa, Rubén
- 00:11:09 - Caballero Álvarez, Abel
- 00:11:13 - Egerique Mosquera, Teresa
- 00:16:05 - Caballero Álvarez, Abel
- 00:16:07 - López Font, Carlos
- 00:16:10 - López Font, Carlos
- 00:21:35 - Caballero Álvarez, Abel
- 00:21:57 - Votación



Copia do documento - Concello de Vigo	Data impresión: 16/03/2023 13:46	Páxina 6 de 7
3734-1101	CSV: A9A329-B924C4-A23882-UFXTBW-VJ1MNO-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

00:23:05 : [FIN]

Sen máis asuntos a Presidencia deu por rematada a sesión ás once horas e trinta minutos, redactándose en soporte electrónico a ACTA que é asinada pola Presidencia e o secretario xeral do Pleno á que se incorpora certificación da Secretaría xeral correspondente o arquivo audiovisual da gravación da sesión, acreditativa da súa autenticidade e integridade.

Conforme o artigo 3 do Decreto 24/2018, de 15 de febreiro, a presente Acta, identificada co nº 1/2023, e o seu arquivo audiovisual incorpóranse ó Libro Electrónico de Actas do Pleno correspondente ao ano 2023.
am.

A PRESIDENCIA

Abel Caballero Álvarez

A SECRETARIA XERAL ACCTAL. DO PLENO

Susana Gallardo Fariña



Copia do documento - Concello de Vigo	Data impresión: 16/03/2023 13:46	Páxina 7 de 7
3734-1101	CSV: A9A329-B924C4-A23882-UFXTBW-VJ1MNQ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		